

113 年全國語文競賽原住民族語朗讀 【拉阿魯哇語】 國小學生組 編號 1 號

piasasangarũ pilangũlangũ hliusuaturu

hlamuna kumana hlimuvarucucu’u, kuna acahlia maru misaini, ma
siaturu ariatũkũrana vahlita, tuahlu talũlvũũ tumalumũlumũ,
laũlaũvũ umaiiapũ amihla, mariki lika’a ariatũkũrana, maru siaturu
sipiataũhlũkaitu’u, pahlamahlamaku musa mũlvũ laũlaũvũ kumita, kumita
pakiaturua maisana tumatututuru ahlahlalua pakataũhlũkai, kita hlakana’ana
tam hliulavalava.

maci puali salia ia, kiahlamuhlamuaku ina’a, “ hlatumuaku musuaturu
sipiataũhlũkaitu’u. ” amihla ina’ana, “ maci musuaturu
pasatatahlamũ taũhlũkaitu’una ia, tumua aucaucani aari usua pakiaturua,
takuaũnũmũ aari mũmũ ia pasatatahlamũ, sipasamia aunana ia marumuku
manai? ” manganũ a tikiku takua aunana, hlipasatahlamiciaku mũmũ.

akuisahlamuna rumia umala pakiaturuana taũhlũkai
patuahlahlamũ ihlahlamu, tamucu tuakia tũrakiakai ku’ai langũlangũ a
pakataũhlũkaitu’una, micalivicu upiaini aari, aralangũlangicu aariaari
pakatatahlamũ, mataingalicu aralangũlangũ, maru usumanũ laũlaũvũ kucu
arumuku, kucuuacũkũhlũ tarũana piataũhlũkai aramuamuaricu aramaini,
kihlahlamuaku ina’ana pingahlangahla, mipulatũ kucu uasa, manikiia

miungu a pasamia ia, muasakumana pasarangatũ, manikiiamu
karũkũhlũ kuparu karahlapa tahliaria pasatatahlamũ ia, rianicu ka
tihla’ahlũ rahlũnga mũmũ.

musuturu miungu kani’i pumaraiahlicu caihli, puacurunu takacicihli
hlimuhlusuhlusucu, matumuhlucu a hliaracahliaku sitakuamia,
mahlahlamicua siaruamiaku mũmũ, pakiaturua marumaci puvahli ihlaku,
marumaci parucarucakũ, hla macahliaku macuaku manganũ takuhlusuhlusu
ia, tuturũ mailalũngusũ.

maci tarucucuvunga maivũvũrũnga apusiri hata’a ia, kumita ahlahlalua
ahlaina hla hlahlusa, ta’iaraisaka musala muliuhlu ariatũkũrana atũahlũ,
mavacangũ hlipatarũhla, musiri ahliacuvunga hlipatarũhla suhlatũ,
tumuacikia mavacangũ tũkũ, kani’i ia apasamanganũ ihlaku, piaiailiaku
apasamanganũ ihlaku takacicihli, marucu a pasamia musa muliuhlu
ariatũkũrana tarisia, marapihli ngahla ariatutũrana.

有苦有樂的學習

念小一時，我還不知道學校有什麼課外活動可以參加，聽同學說學校有桌球課，我跟著同學去看，教練在教其他學長學姐打球，他們都好厲害！

回家後我跟媽媽說想學桌球，媽媽說：「桌球要每天練習兩個小時，連星期六也要練習，這樣還要嗎？」我堅定的表示參加的想法，也去試打了幾天。剛開始教練拿了球和球拍給我們玩，我覺得很有趣，過了幾天，課程難度越來越高，練習越來越辛苦，有些同學覺得無趣，陸陸續續不來了。有好幾次我都跟媽媽說好累不想去，但練習時間一到，我還是乖乖報到，每次練習完都會滿身大汗。

練習到現在一個學期了，進步好多，我學會了更多的技巧，對球拍也運用自如了，教練會誇獎我，有時候也會被罵，但我知道堅持下去一定會更進步。

早上朝會集合的時候，看到學長和學姐代表學校出去比賽，而上台領獎，這鼓勵了我，我告訴自己要更加努力，就有機會代表學校出去比賽，為學校爭光。